

From the library of
SIR R. LEICESTER HARMSWORTH, BART.

8

Memoria .
HONORATISSIMI
DOMINI
FRANCISCI,
BARONIS DE
VERVLAMIO,
VICE-COMITIS
SANCTI ALBANI
Sacrum.

LONDINI
In Officina Iohannis Flaviland.
1 6 2 6.



Lectori S.



Vod præcipuum sibi
duxit *Honoratissimus*
Dominus meus, *Vice-*
Comes, Sancti Albani,
Academiis, & viris literatioribus
ut Cordi esset, id (credo) obti-
nuit; quandoquidem insignia hæc
Amoris & Mœstitiæ Monumen-
ta indicant, quantū *Amissio* ejus
eorundem Cordi doleat. Neq;
verò parcâ manu *Symbolum* hoc
conjecerunt in eum *Musæ*; (plu-
rimos enim, eôsque optimos *Versus*
apud me contineo;) sed quia ipse
mole non delectabatur, *Molem*
haud magnam extruxi. Satis eti-

Lectori.

am sit, ista veluti Fundamenta,
præsentis Sæculi nomine, jecisse;
Fabricam (puto) hanc exornabit
& amplificabit unumquodq; Sæ-
culū; Cuinam autem sæculo ulti-
mam Manum imponere datum
sit, id *Deo* tantum & Fatis mani-
festum.

G. Rawley. S.T.D.



Deploratio Obitûs omnia doctissimi &
clarissimi viri D. *Francisci Bacon*

S. Albanensis.

Albani plorate Lares, tuq; optime Martyr,
Fata Verulamii ngn temeranda senis.
Optime Martyr & in veteres i tu quoq; luctus,
Cui nil post dirum tristius Amphibalum.

CBaconi Opera literaria vocantur ad Rogum.

Instauratio magnâ; Dicta acutè;
Augmentum geminum Scientiarum,
Et scriptum patrie & dein latine
Auctum multiplici, profunda Vitæ
Mortisq; Historia, ut lita anme lota
Rivo Nectaris Atticive mellis!
Henricus neq; septimus tacetor;
Et quicquid Venerum politiorum, &
Siquid præterii inscius libellum
Quos magni peperit vigor Baconi.

Plus novem edecumata Musa Musis,
 Omnes funebribus subite flammis,
 Et lucem date liquida parenti.
 Non sunt secula digna quæ fruantur
 Vobis, ah Domino (ah nefas) preempto.

S. Collins. R. C. P.

In Obitu Incomparabilis *Francisci*
Vicecomitis Sancti Albani,
Baronis Verulamii.

Dum longi lentiq; gemis sub pondere morbi
 Atq; hæret dubio tabida vita pede;
 Quid voluit prudens Fatum, jam sentio tandem:
 Constat, Aprile uno te potuisse mori:
 Ut Flos hinc lacrymis, illinc Philomela querelis
 Deducant linguæ funera sola tuæ.

Georgius Herbert.

In Obitu Honoratissimi viri ac Domini,
 D. *Francisci de Verulamio, Vicecomitis*
Sancti Albani, nuperi Angliæ Cancellarii.

Ad huc superbis insolente purpurâ
 Feretri rapinis Inclytos in tot viros

Sterile

Sterile Tribunal? cilicio dicas diem,
 Saccūq; totam facito luxuriem fori.
 A Themide libra nec geratur pensilis,
 Sed urna, prægravis urna Verulamii.
 Expandat. Eheu! Ephorus haud lancem premit,
 Sed Areopagus; nec minor tantus sophos,
 Quam Porticus bracchata. Nam vester, scholæ,
 Gemiscit axis, tanta dum moles ruit.
 Orbis soluta cardo litterarii,
 Vbi studio coluit togam & trabeam pari.
 Qualis per umbras Ditis Euridice vagans
 Palpare gestiit Orphæum, quali Orphæus,
 Saliente tandem (vix prius crissâ) Styge,
 Alite fibras lyre titillavit manu,
 Talis plicata Philologon ænigmatis
 Petiit Baconum vindicem, tali manu
 Lactata cristas extulit Philosophia:
 Humique foccis reptitantem Comicis
 Non proprio Ardelionibus molimine
 Sarsit, sed Instauravit. Hinc politius
 Surgit cothurno celsiore, & Organo
 Stagirita virbius reviviscit Novo.
 Calpen superbo Abylamq; vincit remige
 Phæbi Columbus, artibus notis Novum
 Daturus Orbem; promovet conamina

Iuvenilis ardor, usq; ad invidiam trucem
Fati minacis. Quis Senex vel Hannibal,
Oculi superstitis timens caliginem,
Signis Suburram ventilat victricibus?
Quis Milo inultus quercubus bilem movet,
Senecta tauro gibba cum gravior premit?
Dum noster Heros traderet scientias
Æternitati, prorsus expeditior
Sui sepulchri comperitur artifex.
Placida videtur Ecstasis speculatio,
Quâ mens tueri volucris Ideas boni
In lacteos properat Olympi tramites.
His immoratur sedibus Domestica,
Peregrina propriis. Redit. Ioculariter
Fugax; vagatur rursus, & rursus redit.
Furtiva tandem serio, se subtrahit
Totam; gementi, morbido cada veri
Sic desuescit anima, sic jubet mori.

Agite lugubres Musæ, & à Libani jugis
Cumulate thura. Sydus in pyram illius
Scintillet omne; scelus sit accendi rogam
Regum Prometheo culinari foco.
Et si qua fortè ludat in cineres sacros
Aura petulantior, fugamque suadeat,
Tunc flete; lachrymis in amplexus ruent

*Globuli sequaces. Denuò fundamine
 Ergastuli everso radicitus tui
 Evehere felix anima, Iacobum pete,
 Ostende, & illuc civicam fidem sequi.
 E Tripode juris, dictites oracula
 Themidos alumnis. Sic (Beaticalites)
 Atræa pristino fruatur vindice,
 Vel cum Bacono rursus Atræam date.*

R. P.

*Memoriæ Meritisque Honoratissimi D. Francisci D. Veru-
 lamii Vice-Comitis Sant-Albani.*

L Vgete fletu turbulenta flumina,
 Sub calce nata Pegasi,
 Rivôq; nigrum vix trahente pulverem
 Limo profana currite.
 Viridisq; Daphnes decidens ramis honos
 Arescat infelicitibus.
 Quorsum Camænxæ laureas inutiles
 Mæsti colatis hortuli?
 Quin vos severis stipitem bipennibus
 Vanæ secatis a boris!
 Vivos reliquit, cui solebat unico
 Coronam ferre lauream,

B

Divam

Divûm potitus arce Verulamius
 Coronâ fulget aureâ :
 Supra cœli terminos sedens amat
 Stellas videre cernuus :
 Sophiam qui sede cœlitum reconditam
 Invidit immortalibus,
 Aggressus Orbi redditam cultu novo
 Mortalibus reducere :
 Quo nemo terras incolens majoribus
 Donis pollebat ingenj :
 Nec ullus æquè gnâvitèr superstitem
 Themîn maritat Palladi:
 Adductus istis, dum vigeat, artibus
 Aonidum sacer chorus,
 In laude totam fudit eloquentiam,
 Nihil reliquit fletibus.

Posui Wilhelmus Boswell.

In Obitum Honoratissimi Domini

Francisci Baconii, magni nupertotius

Angliæ Cancellarii. &c.

A Vdax exemplum quò Mens humana feratur,
 Et Sæcli vindex ingeniose tui,
 Dum senio macras recoquis fæliciter artes,
 Subtrahis & prisco libera colla iugo,
 Quo deflenda modo veniunt tua funera? quales
 Exposcunt lacrymas, quid sibi fata volunt?
 An timuit Natura parens ne nuda jaceret,
 Detrahit vestem dum tua dextra sacram?
 Ignotiq; oculis rerum patuere Recessus,
 Fugit & aspectum Rimula nulla tuum?
 An verò, Antiquis olim data Sponsa Maritis,
 Conjugis amplexum respuit illa novi?
 An tandem, damnosa piis atq; invida captis,
 Corripuit vitæ fila (trabenda) tuæ?
 Sic ultra Vitreum Sículus ne pergeret orbem
 Privati cecidit militis ense Senex.
 Tūq; tuos manes ideò (Francisce) tulisti,
 Ne non tentandum perficeretur opus.

In eundem.

*S*unt qui defuncti vivant in marmore, & ævum
 Annosis credant postibus omne suum :
 Ære micant alii, aut fulvo spectantur in auro,
 Et, dum se ludunt, ludere fata putant.
 Altera pars hominum, numerosâ prole superstes,
 Cum Niobe magnos temnit iniqua Deos :
 At tua cælatis hæret nec Fama Columnis,
 Nec tumulo legitur, Siste viator iter :
 Siqua Patrem proles referat, non corporis illa est,
 Sed quasi de cerebro nata Minerva Iovis :
 Prima tibi Virtus monumenta perennia præstat,
 Altera, nec citius corruiitura, Libri :
 Tertia Nobilitas ; ducant jam fata triumphos,
 Que (Francisçe) tui nil nisi corpus habent.
 Vtraq; pars melior, Mens & bona Fama supersunt,
 Non tanti ut redimas vile cada-ver habes.

T. Vincent. T. C.

In

In Obitum nobilissimi Domini Francisci

Baronis Verulamii, &c.

Visa mihi pridem nec in uno vivere posse
Tot bona sunt, unquam nec potuisse mori;

Queis, quasi sideribus cælum, tua vita refulsit,
Et quæ sunt fatum cuncta secuta tuum;

Ingenium, & largo procurrens flumine Lingua,
Philosophi pariter, Iuridiciq; decus.

Nunc video potuisse quidem; sed parcite amici,
Hic si non redeat, non reditura puto.

I. Vincent. T. C.

In obitum Illustrissimi Clarissimiq; Herois, Domini
Francisci Baconi, Baronis de Verulamio, *Spewo Saz.*

MVæ fundite nunc aquas perennes
In Threnos, Lacrymæque; Apollo fundat
Quas vel Castalium tenet Fluentum:
Nam Letho neq; convenire tanto

B 3

Possint

Possint nenia parva, nec coronent
 Immensa hæc modicæ sepulchra guttæ:
 Nervus ingeni, Medulla suadæ
 Dicendiq; Tagus, reconditarum
 Et gemma pretiosa Literarum,
 Fatis concidit, (heu trium Sororum
 Dura stamina) Nobilis Baconus.
 O quam te memorem Bacone summe
 Nostro carmine! & illa gloriosa
 Cunctorum monumenta seculorum,
 Excusa ingenio tuo, & Minervâ!
 Quam doctis, elegantibus, profundis,
 Instauratio magna, plena rebus!
 Quanto lumine tineas Sophorum
 Dispellit veterum tenebricosas
 Ex chaos procreans novam ^{genitrix}:
 Sic ipse Deus inditum sepulchro
 Corpus restituet manu potenti:
 Ergo non moreris (Bacone) nam te
 A morte, & tenebris, & a sepulchro,
 Instauratio magna vindicabit.

R. C. T. C.

In

In Obitum Honoratissimi *Baronis*
Verulamienfis, &c.

EN iterum auditur (certè *Instauratio magna est!*)
 Stellatâ *Camera* fulgidus ore *Bacon* :
Nunc verè albatuſ, Iudex puriſſimuſ audit ;
Cui ſtola (Chriſte) tuo ſanguine tinâta datur.
Integer ut fiat, priuſ exiit Ipſe Seipſum :
Terra, habeas corpus ; (dixit,) & Aſtra petit.
Sic, ſic Aſtræam ſequitur prænobilis umbra,
Et Verulam Verum nunc ſine Nube videt.

De Connubio *Rosarum.*

SEptimus *Henricuſ non ære & Marmore vivit ;*
Vivit at in chartis (Magne Baconuſ) tuiſ.
Iunge duas (Henrice) Roſas ; dat mille Baconuſ ;
Quot verba in Libro, tot reor eſſe Roſas.

T. P.

In obitum nobilissimi doctissimiq; viri Dom. Fran:
Bacon, Baronis Verulamienfis, &c.

Siccadit Aonii rarissima Gloria cœtus?
Et placet Aoniis credere semen agris?
Frangantur Calami, disrumpanturque libelli,
Hoc possint tetricæ si modo jure Dexæ.
Fleu quæ lingua silet, quæ jam facundia cessat,
Quò fugit ingenii Nectar & Esca tui?
Quomodo Musarum nobis contingit Alumnis
Ut caderet nostri præses Apollo chori?
Si nil cura, fides, labor, aut vigilantia possint,
Sique feret rapidas, de tribus una, manus;
Cur nos multa brevi nobis proponimus ævo?
Cur putri excutimus scripta sepulta situ?
Scilicet ut dignos aliorum à Morte labores
Dum rapimus, nos Mors in sua jura trahat.
Quid tamen incassum nil proficientia fundo
Verba? quis optabit te reticente, loqui?
Nemo tuam spargat violis fragrantibus urnam,
Nec tibi Pyramidum mole sepulchra locet;
Nam tua conferant operosa Volumina famam,
Hoc satis, hæc prohibent te monumenta mori.

Williams.

In obitum Honoratissimi Domini, D.

*Francisci Vicecomitis Sancti Albani, Baronis
Verulamij, viri Incomparabilis.*

P Arcite : Noster amat facunda silentia luctus,
Postquam obiit solus dicere qui potuit :
Dicere, quæ stupeat Procerum generosa corona,
Nexaque sollicitis soluere Iura reis.
Vastum opus. At nostras etiam Verulamius artes
INSTAVRAT veteres, condit & ille novas.
Non qua maiores : Penitos verum ille recessus
NATVRAE, audaci pronocat ingenio.
At Ea, siste gradum, serisque nepotibus, (inquit,)
Linque quod inuentum sæcla minora iuuet.
Sit satis, his sese quod nobilitata Inuentis,
Iactent ingenio tempora nostra tuo.
Est aliquid, quo mox ventura superbiat ætas ;
Est, soli notum quod decet esse mihi :
Sit tua laus, pulchros Corpus duxisse per artus,
Integra cui nemo reddere membra queat :
Sic opus artificem infectum commendat Apellem,
Cum pingit reliquam nulla manus Venerem.
Dixit, & indulgens cæco Natura furori,
Præsecuit vitæ Filium Operisque simul.

*At Tu, qui pendentem audes detexere telam,
Solut quem condant hæc monumenta scies.*

H. T. Coll. Trin. Socius.

*In obitum Nobilissimi viri, Fran-
cisci Domini Verulam, Vicecomitis
Sancti Albani.*

TE tandem extincto secum Mors leta triumphat,
Atque ait ; Hoc maius sternere nil potui ;
Hæctora magnanimum solus laceravit Achilles,
Obrutus ac vno vulnere Cæsar obit :
Mille tibi morbos dederat mors, spicula mille,
Credibile est aliter te potuisse mori ?

Tho. Rhodes Col. Regal.

*In Clarissimi viri Francisci Bacon, Ba-
ronis de Verulamio, Vicecomitis Sancti
Albani, memoriam.*

Naturæ vires pandens, Artisque labores,
Arte potens quondam studio indagavit anhelò
Anglus, Rogerius Bacon, celeberrimus olim :
Optica qui chymicis, physicisque mathemata iungens,
Perspectiva, suæ præclara molimina mentis,

Vixit

Viuit in æternum præclaræ munere famæ.
Anglus & alter erat clarus Bacon Iôannes,
Abdita Scripturæ referans Oracula Sacra.
Stirps BACONIADVM quamvis generosa Britannis
Pignora plura dedit, longè celebrata per orbem;
FRANCISCVM tandem tulit hunc: generosior alter
Ingenio quisquamne fuit? maiora capessens?
Ditior Eloquio? compluraque mente reuoluens?
Scripta docent; veterum quæ hic monumēta Sophorū
Censurâ castigat acri; exiguoque libello
Stupendos ausus docet INSTAVRATIO MAGNA;
Ventorum Historiæ, Vitæque & Mortis imago.
Quis mage Magnanimus Naturam Artēsq; retexens?
Singula quid memorem, quæ multa & clara supersunt?
Pars sepulta iacet; parti quoque visere Lucem
Rawleyus præstat Francisco fidus Achates.
 Robertus Ashleyus Medio-Templarius.

In Domini *Francisci Baconi* iam
 mortui *Historiam vitæ & Mortis.*

Historiæ scriptor Vitæ Mortisque Baconæ,
 Sera mori, ac semper viuere digne magis;
 Cur adeo æternas præfers extinctæ tenebras,
 Nosque haud victuros post te ita tecum aboles?
 C 2 Nostrum

*Nostrum omniū Historiam Vitæ mortisq; (Bacone)
 Scripsi ; quæso tuam quis satis historiam
 Vel Vitæ, vel Mortis, io? quin cedite Graij,
 Cede Maro Latîa primus in historiâ.*

*Optimus & fandi, & scribendi, & nomine quo non
 Inclytus, eximius consilio atque scholâ ;
 Marte idem, si Mars artem pateretur, & omni
 Excellens titulo semihomoque ac studio ;
 Temptor opum, atque aurum tenui dum posthabet aure,
 Terreâ regna polo mutat, & astra solo.*

In eundem virum eloquentissimum.

*V*iderit utilitas, Moniti meliora, sed adde
Ex Ithacâ, Fandi fictor, & omne tenes.
 E. F. Regal.

*In obitum literatissimi iuxta ac nobilissimi
 viri Francisci Domini Verulam Viceco-
 mitis Sancti Albani.*

*O*ccidit ante diem Musarum Phosphorus ! ipsa
 Occidit ab Clarij cura, dolorque Dei.

Deliciæ

*Delicie (Natura) tue ; Mundique Baconus :
Mortis (quod mirum est) ipsius ipse dolor.*

*Quid non crudelis voluit sibi Parca licere ?
Parcere Mors vellet, noluit illa tamen.*

*Melpomene obiurgans hoc nollet ferre ; deditque
Insuper ad tetricas talia dicta Deas.*

*Crudelis nunquam Verè prius Atropos ; Orbem
Totum habeas, Phœbum tu modo redde meum.*

*Heimibi ! nec cælum, nec mors, nec Musa (Bacone)
Obstabant Fatis, nec mea vota tuis.*

In obitum eiusdem.

S*I repetes quantum Mundo Musisque (Bacone)
Donasti, vel si Creditor esse velis ;
Conturbabit Amor, Mundus, Musæque, Iouisque
Arca, Preces, Cælum, Carmina, Thura, Dolor ;
Quid possunt Artes, quidue inuidiosa Vetustas ?
Invidiam tandem desinat esse licet.
Sustineas felix, maneasque (Bacone) necesse est,
Ab Natura nihil, quod Tibi soluat, habet.*

In obitum eiusdem, &c.

SI nisi qui dignus, nemo tua fata (Bacone)
 Fleret, erit nullus, credito nullus erit.

Plangite iam verè Clio, Cliûsque Sorores,
 Ab decima occubuit Mûsa, decusque chori.

Ab nunquàm verè infelix priùs ipse Apollo!
 Vnde illi qui sic illum amet Alter erit?

Ab numerum non est habiturus; iamque necesse est,
 Contentus Musis ut sit Apollo nouem.

Ad vtrasque Academias carmen

Παράμυθιον.

SI mea cum vestris valuissent vota Sorores,
 (Ab venit ante suum nostra querela diem!)

Non foret ambiguum nostri certamen Amoris,
 (Et pia nonnunquam lis in Amore latet:)

Nos nostrum lacrymis, & Te potiremur Apollo
 Delicium patriæ (docte Bacone) tuæ.

Quid potuit Natura magis, virtusue? dedisti
 Perpetui fructum nominis inde tui.

Cum

Cum legerent nostri pars te prudentior aui,
 Vnum iurabant vsque decere loqui
 Hunc nimium tetricæ nobis, Vobisque negarunt
 (Ab sibi quid nolunt saepe licere) Dcæ.
 Dignus erat celo, sed adhuc tellure morari,
 Pro tali quæ sunt improba vota viro?
 O felix Fatum ! cum non sit culpa (Bacone)
 Mortem, sed felix gloria, flere tuam.
 Sistite iam meritos fletus, gemitusque Sorores ;
 Non potis est mæstos totus inire rogos.
 Et noster, vesterque fuit : lis inde sequuta est,
 Atque vter maior sit dubitatur Amor.
 Communis dolor est, noster, vesterque : iacere
 Vno non potuit tanta Ruina loco.

Guiliel. Loe. Coll. Trinit.

In obitum Illustrissimi Domini Veru-
 lamij, Vicecomitis Sancti Albani.

D^{Vm} scripturiuit multum Verulamius Heros,
 Imbuit & crebris sæcla voluminibus :
 Viderat excultos Mors dudum exosa libellos,
 Scripta nec infelix tam numerosa tulit.

Odit

*Odit enim ingeniij monumenta perennia, quæque
 Funereos spernunt amula scripta rogos.
 Ergo dum calamum librauit dextera, dumq;
 Lassauit teneras penna diserta manus;
 Nec dum finitam signarat pagina chartam
 Vltima, cùm nigrum Theta coronis erat:
 Attamen & viuens seros aditura nepotes,
 Morte vel inuita, scripta (Bacone) tua.
 Iacobus Duport. T. C.*

*Ad Viatorem, Honoratissimi Domini,
 FRANCISCI Domini VERVLAM,
 Monumentum inspicientem.*

M *Armores Pieridum gelido Phœbique Choragum
 Inclusumne putes, stulte Viator? abi:
 Fallere: jam rutilo Verulamia fulget Olympo:
 Sydere splendet Apoclypsæ Iacobæ tuo.*

*In obitum illustrissimi & spectatissimi tum à literis
 tum à prudentiâ & nativâ nobilitate viri, Dⁿⁱ Francisci
 Bacon, Vicecomitis S^{ri} Albani, &c.*

N *on ego, non Naso si viueret ipse litaret
 Exequijs versumagne Baconæ tuis.*

Deducti

*Deducti veniunt versus à mente serenâ,
Nubila sunt fato pectora nostra tuo.*

*Replesti mundum scriptis, & secula famâ,
Ingredere in requiem, quando ita dulce, tuam.*

*Et tibi Doctrinæ Exaltatio scripta (Bacone)
Exaltat toto iam caput orbe tuum.*

*Curta cano, quin nulla magis ; sin carmina vita
Te reparare tuæ, quanta (Bacone) darem?
C.D. Regal.*

*In obitum Honoratissimi Domini,
Dni. Francisci Baronis de Verulamio,
Vicecomitis S. Albani.*

*Q**ui fuit Legis Moderator, illâ
Lege solutus, reus ipse mortis
Sistitur, nostram politeia turbat
Sic Radamanthi.*

*Qui Nouo summum Sophiæ Magistrum
Organo tandem docuisset toti,
Mortis Antiquâ methodo coactus
Membra resoluit.*

D

Quippe

Quippe præmissis valide nociuis
 Parca conclusum voluit supremum
 Huic diem, sensus ratione fatis

Infit iniquis.

Multa qui haud vno reuelanda sæclo
 Natura patefecit, ipse
 Iusta Natura facili Nouerca

Debita soluit.

Artium tandem meliore venâ
 Occidit plenus, moriensq; monstrat
 Quam fiet longa Ars, brevis atque vita,

Fama perennis ;

Qui fuit nostro rutilans in orbe
 Lucifer, magnos & honoris egit
 Circulos, transit, proprioq; fulget

Fixus in orbe.

Carmen sepulchrale.

Sub tumulo est corpus, (non debita præda sepulchri)
 Virtutum exterius nomina marmor habet ;
 Sic pia saxa loqui docuit Vestigia figens
 Marmore in hoc Virtus, ipsa datura fugam :

Nostra

*Nostra dabunt tumultumq₃ æternum Corda, loquantur
Vt famam illius saxa hominesq₃ simul.*

Henr. Ferne Trin. Coll. So.

*Ad Statuam literatissimi verèque nobi-
lissimi viri Dⁿⁱ Francisci Bacon.*

Octoginta negat qui te numerasse Decembres,
Frontem, non libros inspicit ille tuos :
Nam virtus si cana senem, siserta Mineruæ,
Reddant; vel natu Nestore maior eras.
Quod si Forma neget, Veterum Sapientia monstret;
Longæuæ ætatis tessera certa tue.
Viuerenamque diu Cornicum condere lustra
Non est, sed vitâ posse priore frui.

G. Nash Aul. Pem.

De Inundatione nuperâ Aquarum

Soluerat Eridanus tumidarum flumina aquarum :
Soluerat ; & Populis non leuis horror erat :
Quippe grauis Pirrhæ meuentes tempora cladis
Credebant simili crescere flumen aquâ.

D 2

Ille

*Ille dolor fuerat seuus, lachrymæq; futuri
 Funeris, & Iustis dona paranda nouis.
 Scilicet & Fluuio tua (vir celeberrime) tangunt
 Funera, nedum Homines, mæstaq; corda Virum.
 Iames.*

*In obitum Honoratissimi Viri Francisci
 Bacon, Vice-comitis SANCTI ALBANI,
 Baronis de VERVLAM, &c.*

ERgo Te quoque flemus? & æternare Camenas
 Qui poteras, poterās ipse (Bacone) mori?
 Ergo nec æthereâ fruerè diutiùs aurâ?
 (Indigni scriptis Ventus & Aura tuis;)
 Scilicet indomiti tandem vesania Fati
 Placari voluit nobiliore rogo:
 Sauaq; vulgares iam dedignata triumphos
 Ostendit nimio plus licuisse sibi:
 Vnaq; lux tanti nunc luctûs conscia, peste
 Infolitâ quanti nec prior annus erat.

R. L.

In

In obitum Nobilissimi viri, *Fran-*
cisci Baconis, olim magni Sigilli
 ANGLIÆ Custodis.

Q*Vid? an apud Deos coortalis fuit?*
An æmulum senex Saturnus filium
Iouem vocavit in ius, rursus expetens
Regnum? sed illic Aduocatum non habens
Relinquit astra, pergens in terras iter,
Vbi citò inuenit parem sibi virum,
Baconem scilicet, quem Falce demetens
Ius exequi coëgit inter Angelos,
Et ipsum se Iouemque filium suum.
Quid? an prudentiâ Baconis indigent
Dei? vel liquerit Deos Astræa?
Ita est: abiuit: ipsaq; astra deserens,
Ministrabatur huic Baconi sedulè.
Saturnus ipse non felicioribus
Degebat æuum sæculis, quibus nomen
Vel aureum fuit, (sunt hæc poetica)
Quàm judicante nos Bacone degimus:
Beatis ergo nobis numina inuidencia,
Volebant gaudium hoc commune demere:
Abijt, abiit: sat hoc doloribus meis

Est protulisse : non dixi est mortuus :
 Quid est opus iam vestimentis atris ? en en
 Arundo nostra tincturâ fluit nigrâ ;
 Camænarumque fons siccum se fecerit,
 In lacrymas minutas se dispersiens :
 Frequentibusq; nimbis Aprilismadet
 Dolores innuens : quippè insolentiùs
 Furit fraterna ventorum discordia :
 Vterque scilicet gemens non definit
 Ab intus altius suspirium trahens.
 O omnibus Bone, ut videntur omnia
 Amâsse te viuum, & dolere mortuum !

Henr. Ockley C. Tr.

In Languorem diuturnum, sed mortem
 Inopinatam, Nobilissimi Domini sui,
 Vice-Comitis S^ti Albani.

Mors prius aggressa est, fuit inde repulsa; putabam
 Incepti & sceleris pœnituisse sui.
 Callidus obsessas ut Miles deserit vrbes
 Incautis posito quò ferat Arma metu;
 Mors pariter multum hunc vulnus defendere doctum,
 Averso à Musis Lupine seua ferit.

Impetus

*Quam cupiam Lacrymis oculos absumere totos ;
Nostra sed heu Libris Lumina seruo suis.*

*Sic Maculis chartam lugentem emittere cordi est ;
Nil salis hic nisi quod Lacryma salsa dedit.*

*Guil. Atkins Dominationis suæ Seruus
Domesticus.*

*In obitum Domini Francisci Baconi,
Baronis de Verulamio, & totius Angliæ
nuperi CANCELLARI.*

D*um moriens tantam nostris Verulamius Heros
Tristitiam Musis, luminaque vda facit :
Credimus heu nullum fieri post fata beatum,
Credimus & Samium desipuisse senem.
Scilicet hic miseris, felix nequit esse, Camænis,
Nec se quam Mulas plus amat iste suas.
At luctantem animam Clotho imperiosa cœgit
Ad cœlum inuitos traxit in astra pedes.
Ergone Phœbeias iacuisse putabimus artes ?
Atque herbas Clarij nil valuisse Dei ?
Phœbus idem potuit, nec virtus absfuit herbis,
Hunc artem atque illas vim retinere putes :*

At

*At Phœbum (vt metuit ne Rex foret iste Camænis)
 Riuali medicam crede negasse manum.
 Hinc dolor est; quod cum Phœbo Verulamius Heros
 Maior erat reliquis, hac foret arte minor.
 Vos tamen ô, tantum Manes atque Umbra, Camæna,
 Et pœnè inferni pallida turba Iouis,
 Si spiratis adhuc, & non lufistis ocellos,
 Sed neque post illum vos superesse putem :
 Si vos ergo aliquis de morte reduxerit Orpheus,
 Istaque non aciem fallit imago meam :
 Discite nunc gemitus, & lamentabile carmen,
 Ex oculis vestris lacryma multa fluat.
 En quam multa fluit? veras agnosco Camænas
 Et lacrymas, Heliconi vix satis vnus erit;
 Deucalionæis & qui non mersus in vndis
 Parnassus (mirum est) hisce latebit aquis.
 Scilicet hic perijt, per quem vos viuistis, & qui
 Multâ Pierias nutrijt arte Deas.
 Vidit vt hic artes nullâ radice retentas,
 Languere vt summo semina sparsa solo;
 Crescere Pegaseas docuit, & elut Hasta Quirini
 Creuit, & exiguo tempore Laurus erat.
 Ergo Heliconiadas docuit cum crescere diuas,
 Diminuent huius secula nulla decus.*

Nec

*Nec ferre ulterius generosi pectoris æstus
 Contemptum potuit, Diva Minerva, tuum.
 Restituit calamus solitum divinus honorem,
 Dissulit et nubes alter Apollo tuas.*

*Dissulit et tenebras sed quas obfusca vetustas,
 Temporis et prisca lippha senecta tulit;
 Atque alias methodos sacrum instauravit acumen,
 Gnosiaque eripuit, sed sua fila dedit.
 Scilicet antiquo sapientum vulgus in ævo
 Tam claros oculos non habuisse liquet;
 Hi velut Eos surgens de littore Phœbus,
 Hic velut in mediâ fulget Apollo die:
 Hi veluti Typhis tentârunt æquora primum,
 At vix deseruit littora primaratis,
 Pleiadas hic Hyadasq; atque omnia sydera noscens,
 Syrtes, atque tuos, improba Sylla, canes;
 Scit quod vitandum est, quo dirigat æquore navem,
 Certius et cursum nautica monstrat acus:
 Infantes illi Mulas, hic gignit adultas;
 Mortales illi, gignit at iste Deas.
 Palmam ideo reliquis Magna Instauratio libris
 Abstulit, & cedunt squalida turba sopbi.
 Et vestita novo Pallas modò prodit amictu,
 Anguis depositis ut nitet exuvijs.*

*Sic Phœnix cineres spectat modo nata paternos,
Æsonis & redijt prima iuuenta senis.
Instaurata suos & sic Verulamia muros
Iactat, & antiquum sperat ab inde decus.*

*Sed quanta effulgent plus quam mortalis ocelli
Lumina, dum regni mystica sacra canat ?
Dum sic natura leges, arcanaq; Regum,
Tanquam à secretis esset virisque, canat :
Dum canat Henricum, qui Rex, idemq; Sacerdos,
Connubio stabili iunxit utramque Rosam.*

*Atqui hæc sunt nostris longè maiora Camænis,
Non hæc infelix Granta, sed Aula sciat :
Sed cum Granta labris admoverit robera tantis
Ius habet in laudes (maxime Alumne) tuas.
Ius habet, ut mæstos lacrymis extingueret ignes,
Possit ut è medio diripuisse rogo.
At nostræ tibi nulla ferant encomia Mula,
Ipse canis, laudes & canis inde tuas.
Nos tamen & laudes, quâ possumus arte, canemus,
Si tamen ars desit, laus erit iste dolor.*

Tho. Randolph. T.C.

FINIS.